

EkeGusii - Amaya-Amabe Ebirengererio Amariko - Good-Bad Mind Scriptures

Amaya Ebirengererio Amariko - Good Mind Scriptures

Mariko 5:15 Bakamochiera Yesu, bakamorora oria omonyene ebirecha oikaransete, bweboetie chianga, ore nobong'aini bwaye, nere oreng nomoganda: bakairoka.

Luka 8:35 Bagasoka barore amang'ana aorokire; bakamochiera Yesu, bakamorora oria omonto osokirwe nabiria ebirecha, oikaransete as'amagoro a Yesu: obegete chianga, ore nobong'aini bwaye: bakairoka.

Ogokora 17:11 Abanto aba igo barenge abaya kobua baria ba Thesaloniki, ekiagera baribwatete ring'ana as'obwanchani bw'omoyo, bare korigarigia amariko barore gose amang'ana ayio nab'are.

Ogokora 20:19 nkomokorera Omonene as'obokanyeku bwonsi, namariga, nemechando emenge nanyorete as'ogotega kw'Abayahudi:

AbaRumi 7:25 Namoakeire Nyasaye ng'a mbuya mono, ase Yesu Kristo Omonene oito. Ee, onye naboigo, as'obong'aini bwane igongogokorera ogochika kwa Nyasaye; korende as'omobere one nkorera ogochika kw'ebibe.

AbaRumi 8:6 Naki okorengereria kw'omobere namakweri; korende okorengereria gw'omoika nobogima nomorembe:

AbaRumi 8:27 Nere oyokorigarigia emiyo namanyete okorengereria kw'Omoika ng'a igo gokobasabera abachenu buna Nyasaye anchete,

AbaRumi 11:34 Naki ning'o omanyete omoyo bw'Omonene? Gose ning'o okomworokereria ebina biaye?

AbaRumi 12:2 Gose timwereng'ania chingecho chi'ense eye: korende moonchorwe as'ogokora okuya as'emiyo yaino, monyare komanya boronge obwanchani bwa Nyasaye, bomogwenerete noboikeranete.

AbaRumi 12:16 Mobe nokorengereria okomo inwe as'inwe. Timorengereria ayare amanene, korende morengereria ayare ay'oboitongo. Timoba abanto bakoenenera obong'aini.

AbaRumi 14:5 Omonto oyomo narengereretie rituko kobua erinde, noyonde arora ng'a amatuko onsi igareng'aine. Ker'omonto atenene as'obong'aini bwaye omonyene.

AbaRumi 15:6 buna Yesu Kristo: erio as'omoyo oyomo nas'omonwa oyomo monyare komobaka Nyasaye, Tata bw'Omonene oito Yesu Kristo.

1 AbaKorintho 1:10 Nabasoroire inwe, baminto, as'erieta ri'Omonene oito Yesu Kristo, mokwane mwensi ayamo, tikoba asemore ogwatananeka; korende mobe moikeranetie as'okorengereria okomo nokorenga okomo.

- 1 **AbaKorintho 2:16** Naki ning'o omanyete ebirengererio bi'Omonene, amworokererie? Korende intwe ntore nebirengererio bia Kristo.
- 2 **AbaKorintho 7:7** Gose tari as'ogocha kwaye gwoka, korende ase koria okoremigwa aremetigwe nainwe, agatotelia amang'ana okogania kwaino, nokweng'ereria kwaino, nomokia oino asende, goika nkamenta kogoka.
- 2 **AbaKorintho 8:12** Naki, as'omoyo ore, iga bigwancherwa koreng'ana as'ebiare nabio omonto, tari as'ebi atabwanti. (1 Chronicles 28:9)
- 2 **AbaKorintho 9:2** Naki namanyire ogwancha kwaino, netogereti as'Abamakedonia, ng'a Akaya iga orenge ang'e korwa omwaka omogima; nomokia oino obabekire omoyo abanto abange.
- 2 **AbaKorintho 13:11** Omoerio, abaminto, morare buya. Moikerane; moremigwe; mobe nomoyo oyomo; moikaranse as'omorembe; na Nyasaye bw'obwanchani nomorembe abe amo nainwe.

AbaEfeso 4:23 mokorwe abayia as'omoika bw'ebirengereria biaino,

AbaFilipi 2:2-5 ichorerania omogoko one, erinde mobe nokorengereria okomo, abanyene obwanchani obomo, abanyene omoyo oyomo, nokorengereria okomo. 3 Timokora ing'ana rinde rionsi as'okoamererania nas'oboenenu, korende as'oboitongo, ker'omonto amobare oyomwabo ng'a nomuya komobua omonyene. 4 Ker'omonto tarigereria ebinto biaye omonyene, korende ker'omonto arigererie ebinto bi'abande. 5 Naki mobe nomoyo oyo ime yaino oyoreiige ime ase Kristo Yesu:

AbaFilipi 4:2 Namosoroire Euodia, namosoroire na Suntoke babe nomoyo oyomo as'Omonene.

AbaFilipi 4:7 Nomorembe o Nyasaye obuete obong'aini bwonsi, norende chinkoro chiaino, nebirengererio biaino ase Kristo Yesu. (Isaya 26:3)

AbaKolosai 3:12 Gaki ekiagera more abachore ba Nyasaye, abachenu banchire, beka omoyo bw'amabera, obuya, oboitongo, obwororo, oboremereria;

2 **AbaThesaloniki 2:2** timotengechigwa bwango nagotiga ebirengererio biaino, gose timoichanigwa, as'omoyo gose ase ring'ana, gose ase rirube rigokagwa ng'a neraito, ng'a rituko ri'Omonene riabaire;

2 **Timotheo 1:7** Naki Nyasaye tatoeti omoika bw'okiroka; korende oyo bwe chinguru, noyo bw'obwanchani nomoyo bw'okwerenga nobong'aini.

Tito 2:6 Nabamura naboigo obakanie koba nobong'aini boisanete.

Abalbirania 8:10 Naki eye nero emuma ndanyare gokorerana nenyomba y'Israeli Nyuma yamatuko aria, okwanire Omونene; Nimbeke amachiko ane as'ebirengererio biabo, Nase chinkoro chiabo ninyarike: Nainche nimbe Nyasaye obo, Nabarabwo nababe abanto bane.

1 **Petero 1:13** As'ayio eboe ebinema bi'ebirengererio biaino, mobe

nobong'aini, as'oboikeranu kobosemeria boria obuya morareterwe as'okomanoka kwaye Yesu Kristo.

1 Petero 5:2 ririsie riicho ria Kristo rire asemore, na koritenenera, tari as'okobetererigwa, korende as'ogwancha; buna ase Nyasaye; tari as'okorigia chifetha chi'obosoku, korende nas'omoyo bw'ogwancha;

2 Petero 3:1 Abanchani, rirube eri nario ria kabere nabarikeire inwe; as'ayio nabibokirie ebirengererio biaino ebiya as'okobainyoria,

Yakobo 1:17 Ker'ekerugwa ekiya, nakera egekorugwa geikeranete, iga gekorwa igoro, geika korwa ase Tata bw'emebaso, asare tikori koonchoka, gose ekiriri kende gekoonchokaonchoka. (Ayubu 23:13)

Okomanoka 17:9 Agwo nao bore obong'aini nechisemi, Eria emetwe etano nebere nebitunwa bitano nabibere as'aikaranserete omokungu oria:

Amabe Ebirengererio Amariko - Bad Mind Scriptures

Mariko 7:21 Ekiagera ime, as'emiyo y'abanto, igakorua amarengererio amabe, nobonyaka bwonsi, (Ezekieli 38:10)

Luka 12:29 Nabo ninwe timorigia eki morarie, gose eki moranywe; gose timoba nomoyo bw'ogosiereria.

Ogokora 12:20 Nere Herode nababeete mono abanto ba Turo na Sidon: bakamochiera as'omoyo oyomo, erio kobakore obosani na Blasto, oienge korenda enyomba y'Omoruoti y'okorara, bakarigia omorembe, ekiagera ense yabo igo yare konyora endagera as'ense y'omoruoti,

Ogokora 14:2 Korende Abayahudi batanchete bagasaria emiyo y'abanto b'ebisaku nakobabeka omoyo omobe igoro as'abaminto.

AbaRumi 1:28 Naende buna banete koba na Nyasaye ase okorengereria kwabo, Nyasaye akabatiga batunyane obong'aini bwabo botagwenereti bayakore ayatabagwenereti;

AbaRumi 8:6,7 Naki okorengereria kw'omobere namakweri; korende okorengereria gw'omoika nobogima nomorembe: 7 ekiagera okorengereria koria kw'omobere nobobisa igoro ase Nyasaye; naki tikori koigwera ogochika kwa Nyasaye, gose tikori konyara.

AbaRumi 11:20 Ee, mbuya, bakanachwa as'ogotegena kwabo, naye igoteneine as'okwegena kwao. Toenena korende oiroke:

2 AbaKorintho 10:5 koiyeria ebirengererio na ker'egento keimokererete igoro, keimokererete igoro as'obong'aini bwa Nyasaye; nagosiba ker'ekerengererio kenyare komoigwera Kristo;

2 AbaKorintho 11:3 Korende nairokire; buna eria eng'iti yamong'ainete Hawa as'obong'ainereria bwaye, ebirengererio biaino tibisareka

mobotige obuya, nobochenu bwaino ase Kristo.

AbaEfeso 2:3 ebio naintwe intwensi togachigendera, agwo kare, as'okorengereria kw'emebere yaito, togaikerania obwanchani bw'emchere yaito, nehirengererio biaito, tokaba as'orogendo rwaito abana b'endamwamu buna abwo abande:

AbaEfeso 4:17 Gaki nakwanire ring'ana eri, naende natebire as'Omonene, korwa bono timogenda buna Ebisaku bikogenda, as'oboenenu bwe chisemi chiabo,

AbaKolosai 1:21 Nainwe, igoniwareuge agwo ritang'ani, mwatananetwe nere, nababisa as'ebirengererio biaino, as'ogokora kwaino okobe, obasang'ananirie bono, (Nainwe 21:27; Ezekiel 23:17)

AbaKolosai 2:18 Monto onde tabaura ekeegwa kiaino as'okorigia kwaye, as'okweororobia as'ogosasima amalaika, nakwebeka as'amang'ana ayarorire, nakoenena bosa as'obong'aini bw'omobere oye,

1 AbaThesaloniki 5:14 Twaba oroire, baminto bakonye abwo bataikaranseti buya, babeke chinguru bare nemioyo ekwete, babogorie abareu, remereria nabanto bonsi.

2 AbaThesaloniki 2:2 timotengechigwa bwango nagotiga ebirengererio biaino, gose timoichanigwa, as'omoyo gose ase ring'ana, gose ase rirube rigokagwa ng'a neraito, ng'a rituko ri'Omonene riabaire;

1 Timotheo 6:5 nokoamererania kw'abanto basarigwe obong'aini bwabo abamochete ekeene, bakaga ng'a okoba nechingecho chia Nyasaye nenchera y'okonyora; eatanane nabanto buna abwo:

2 Timotheo 3:8 Naboigo buna Yanne na Yambare barwanete na Musa, naboigo naba bakorwana nekeene; nabanto basarekire obong'aini bwabo, bangirwe as'amang'ana okwegena.

Tito 1:15 Ebinto bionsi nebichenu as'abwo bare abachenu: korende tikeri ekere egechenu as'abwo bare neubi, abatancheti; korende obongo bwabo nehirengererio biabo bionsi biabaire neubi.

Abalbirania 12:3 Naki morengererie mono ere oyoremereretie ogotangwa okonene buna oko kw'abanyene ebibe igoro as'emebere yabo, timocha kwebutokania nagokwa emiyo yaino.

Yakobo 1:8 omonto ore nemioyo ebere, igagotiting'ara ase chinchera chiaye chionsi.